



UMPINIMASÁ MARÉ YARA, RIO DE JANEIRO -
PIRASUWA WAITA KUNTARISÁ

PIRASUWA WAITA TAWA PITERUPI



Março ramekuera 2017 akayu upé, internacional pirasuwa waita tamunhā yepesá kuntarisá būwaá Rio de janeiro upé. Takuntari aramā maita tamūyarā- tapurakiramā mirá tairum taiku waita tendawa pirasuwaá rupi kuá ara.

Kuá kütari sawá thi musapi yütemā ukutari . mayemā takuawa ye yakuaté aikwe siía ukantari waitá pirasuwa ta rupi- taikuwa itá apé mamē tābeu mayekatu ta taiku. Mayé tamāduari sawa tarése yā mirā itā taikuwa pirasuwa tendawa upé. Siía tapuraqui waitá arupi thi puranga tariku mirá itá. Umbā ta meē ta supé maā taputari waá puranga rama taiku yepewasu amu mirá ta yawé tawa wara itá.

Mayete turusuwa tawa ta rupi thi puranga ta riku mirá ita, yawete kuari wa tarupi uriku waita siís tapiri pā sá. Tasikay tamūyā mira tairum mayeté kariwa tairū tarikuwaita siía manūngá.Aintá tambeu mirá ita taikuwa apé puranga pá te taiku, thi tapurandu nemaā ta supé. Taēē yepawasu pá aíta kariwa tairū pāhē māa waita tariku taruka tarupi.

Siiā takuntari waitá tiwa waita tasu tamā maita mira ita taiku yāā tendawa upé.Yawewa rupi thy yakuá mirá tare sewara puranga waita taiku, thy waita puranga, tasasá waita yu-masi pāhē taira tairum.kariwaita. takuntari ramē tawa pirasuwa resé wara amuramē tēyūtu tā be tipukusá takwa maita mirá tasasá ta ruka tarupi, ta paya tairum, ta māya itá asui ta raira ita yuri. Yawe rupi aintá ūba ta kuá maita uyupirungasá yā tendawa. Asui taiku ita apé thy puranga ta mā ta resé ta sikari ramē, muraki, pusanga thy takuntari tairum mira yawe.

Tawa pirasuwawa tayukua yepewasu amū tairum kuá iwaka upé. Yawewa rupi aintá thy yepewasu yā taiku waitá apé. Usasá akayu yawewara taiku yayewa resewara kariwa itá tahē ta resé tiā puranga tariku mirá itá taikuwa itá yā tēdawa upé.Yawewa rupi kariwa itá umūdu waita tawa turusu waita resé tariku waita pāhē maā puxuvera tariku pirasuwa waita taiku.

Ūpinimā waita kua papera aíta thy puranga tawasemū takuntari ramē puxuewera waá . Pāhē maā yamā wa thy yapuderí ya yeē aintá ūba puranga taiku tiramē yaiku ta piterupi. Yapé yābeu ke kada tawa iruku manūgari té amūita tawa turusu waita uriku. Maye siía waita ta kuntari tawa mirim taresewara. Kui yasu yaeē aintá taiku amū tawa ta piterupi maye takuáwa yé yepewasu amu mira tairum. Yapuderí yaseruka aintá apé aikwe mira ita yepawasu waita amu kunhā, apigá, tainá tairum.

Yawewa rupi tyi tapuderí takuntari ta rese tiramem taiku tapiterupi . Aintá tenki ta conheceri pāhē maā tarese wara. Kariwa itá tēnki ta rekonyeceri aintá taiku wa rupi, ta murasi ita, ta ríbi resewara, pāhē maā tamūya wa.

Yape kuirí mira ita uiku wa ita apé tariku yepewasu ta puderí sá amū taya we taiku waita tēda wasu, ike mamē taiku puranga ta rapixá mira tairum. Yepe tendawa siia mirá itá taiku mirasá amurupi waitaté mā taiku yepewasu paá maye takua waye.

Yawewa rupi kuitá umpinimā waita kua papera tahēē tēdawa miri aé yepewasu amū tendawa itá kua yewa rupi:

- tamburi rā mirá itá tapuraqui rāmā yepasu amū tairum;
- siia ūbá waita tapuraqui kurumi wasu itá;
- puxuwera waita usasá, pixuna wa mirá itá, maku itá, tayawawa itá, mirá itá thy waita puranga taiku, tasikari waita taiu yepewasu;
- siia yukua puxuwera waá, tauwaita kawim, thy waita mira yawe taiku;
- aikue siia thy waita tariku puranha kunhā itá ta ruka kuara ta upé;
- tiwa itá tariku asui takuntari puranga LGBT pura tairum amuramē tasika tayuka aintá;
- puxuwera waá kurumiwasu ta supé, asui kunha muku itá yuiri;
- thy tariku puranga umbuesara itá ta rendawa upé wa itá taiku;
- tendawa mamē káá thy yamā, tamunuka paá resewarao ainta.

Yābeu yuiri ke kua tendawa itá tariku ta puranga sá maye ku itá nūgara:

- Aikwe kurumiwasu asui tainá itá mamē ta purandu rāa maā taputarisá ta supé;
- Puranga tayuriku ta rumuara tairum taiku waita ta ruka ruaki;
- Ta manduari sá, tamurasi, pāhe maā takua sara, ta murasi, tamusasa amu tasupé;
- Tasikari tamunhā pahe manungari ta trocari rā amu mirá tairum tapuderí rā tapiripana manungá ta putari waá;

- Yukuá pahē maã ta mūhā wa tēdawa turusu wa upé, maripi ta bué waitá, siiá upuderi wá itá thy tamūhā puranga ta supé maye taputari waye;
- Puranga tariku mamē taiku wá uka ta tayumuatiri rupiara ta siayasá wa upé, tamukamē takua tamukaturu;
- Tasikari tumūhā pāhē maye puranga rā taiku amū mira tairum thy waitá ta nūgara, amū mirá waitate ta sui mā puranga tayuriku;
- Purā tayuriku yā tawa upé pāhē mayewa mirá sá aikwe waá, amunū-gara religião te waita, tamūhā yā tēndawa ta rendawa puranga waá , awa uiku apé purā uyusā amu tapiterupi, amuramē amū tēndawa apekatu suiwara itá;
- Siiá kunhā itā ta puraki waita, mira tairum tamusasá tasupé takua sá kuximawara itá, tābué a∅ ta maye taiku yepewasu;
- Pāhē iwi mamē mirá taikuwa kariwa ta tēki tariku puranga yepewasu pawa aintá;
- Siiá ramē yapuraki puranga usemum muaki pāhē awa tasupé taiku waita tendawa upé aikue waa mirá itá tiwa itá yepawasu ta mirá sá, apekatu wara waita tayumuati.

Yawewa rupi yakuntari ramē tēndawa resewara yandé tenki yaiku tapiterupi, yepewasu yapuraki tairum, pāhē mamē taputari wa , tapuderi aramā tariku maã ta raira ta supé. Yandé tenki yariku aintá mayete yariku waye amu mirá itá yapekatu suiwara ta sika, tendawa yara itá cuximawara itá takua maitá tassasá kuxima tayupirunga irum. Kua papera ukuntari wa puranga tendawa taresé maye taikuram ta rapixá mira tairum tayumuatiri waita siiá tendawa ta sui.Kuá uvaleri mairamē yané upederisá itá tamāduari mirá ta resé.